

**Kadar Inflasi Dijangka Naik Kepada 2.5 Peratus Pada 2013: Alliance Research  
Bernama  
25 Januari, 2013**

KUALA LUMPUR, 25 Jan (Bernama) -- Kadar inflasi dijangka meningkat kepada 2.5 peratus pada 2013, dipacu oleh program penyusunan semula subsidi dan potensi pemulihan permintaan lewat tahun ini.

Alliance Research berkata kadar dasar semalaman di jangka kekal tidak berubah pada tiga peratus tahun ini, memastikan pendirian dasar monetari akomodatif dan paras kestabilan harga mencukupi, memandangkan paras rendah risiko inflasi berbanding pemulihan.

Pakar Ekonominya, Manokaran Mottain berkata inflasi Malaysia menyusut perlahan-lahan sejajar dengan harga komoditi global, terutamanya harga petroleum mentah.

Harga pam negara bagi petroleum dan produk berkaitan lain tidak berubah sejak penghentian sementara waktu pelaksanaan program penyusunan semula subsidi yang dicadangkan oleh Unit Pengurusan Prestasi dan Pelaksanaan (Pemandu).

Kadar inflasi mencatatkan paras kemuncaknya pada 3.5 peratus pada Jun 2011.

-- BERNAMA

Copyright © 2013 BERNAMA

Source: <http://www.bernama.com/bernama/v6/bm/newsindex.php?id=924177>